


Bezoru Verdi (Emerald Ash Borer) ten na Boston.

Sabe modi ki Munissipiu/sidadi di Boston sta proteje nos árvoris freixus (ash trees) y kuze ki nu pode faze pa djuda.



KUZÉ KI É BEZORU VERDI (EMERALD ASH BORER)?

Bezoru Verdi é un insetu ki ta mata árvoris freixus kandu se larva ta fika entranhadu dibaxu di kasca di tronku di árvori y el ta kume nutrientes ki ta sirkula dentu di árvori. Primeru bez ki es insetu foi detetadu na Stadius Unidus foi na 2002.



MODI KI BEZORU VERDI STA AFETA ÁRVORIS DI BOSTON?

Bezoru Verdi foi detetadu na 2014 y alguns árvoris freixu di bairrus di morada di Boston sta mostra sinal di infestason. Pode leba 3 pa 5 anu pa árvoris kumessa ta mostra sinal di ladu di fora di atividadi di Bezoru Verdi dentu di es.



KUZÉ KI BEZORU VERDI TA KUME?

Kel praga li ta kume só árvoris freixu (ash trees) ma Bezoru Verdi ta mata 99% di ároviris freixu ki el infesta. Si mas di un-tersu di un árvori freixu infestadu morre pamodi danu kauzadu pa Bezoru Verdi, kel árvori ka pode ser salvadu y el ta meste ser tiradu/kortadu.

KUZÉ KI PODE SER FETU?

Departamentu di Parkis y Rekriason di Boston sta trabadja pa garanti saúdi di nos árvoris públiku na ruas. Nu ta proteje árvoris ku saúdi y nu ta tira kes ki sta mortu y kes ki tene infestason avansadu pa nu pode para spadju di Bezoru Verdi.

Nu sta trabadja tanbé nun planu abranjenti txomadu Urban Forest Plan (planu di floresta urbanu) pa conserva y aumenta kuantidadi di árvoris ku kopa—y na un manera jeral, midjora kualidadi di vida di rezidentis di Boston. Aumentu di verbas/dinheru y di funsionárius pa trata di árvoris ta ben djudanu dâ resposta pa pragas sima Bezoru Verdi

MODI KI N PODE DJUDA?

Djobe na próximus mezis pa árvoris markadu pa ser tiradu o pa ser tratadu. Ka bu muda nunca material di árvori di un lugar pa otu. Departamentu di Parkis y Rekriason di Boston ta kuida di árvoris di ruas y árvoris di parkis; si bu nota un árvori na un rua o na un parki públiku ki bu atxa ki pode sta infestadu ku Bezoru Verdi, kontata 311. Si bu tiver perguntas sobre manera di identifika árvoris freixus na propriedadi privadu, sima terrenus di kazas di morada o di negóssiu, kontata un tratador di árvori profesional sertifikadu

Vizita boston.gov/trees pa sabe mas informason.

✉ parks@boston.gov ☎ 617-635-4505

📷 🐦 📘 @bostonparksdept

